



ՄԱՍՆԱԳԻՏԱԹՈՒՄ • ՓՈՐՁ • ԳՆԱՐԱՎՈՐՈՒԹՅՈՒՆ

ՀԱՅԱՍՏԱՆԻ ՊԵՏԱԿԱՆ  
ՏՆՏԵՍԱԳԻՏԱԿԱՆ  
ՀԱՄԱԼՍԱՐԱՆ

## ՀԱՆՐԱՅԻՆ ԿԱՌԱՎԱՐՈՒՄ

Ծրագրի նպատակն է պատրաստել հանրային ոլորտի կազմակերպությունների, հանրային ծառայության տարբեր համակարգերի համար բարձրակարգ կառավարիչներ, ծառայողներ, մասնագետներ: Ծրագրի շրջանավարտները կտիրապետեն հանրային ոլորտի կառավարման գիտելիքների, հմտությունների և կարողությունների, ինչպես տնտեսության կայուն զարգացման, այնպես էլ ճգնաժամի պայմաններում: Ծրագիրը մշակվել է՝ հիմք ընդունելով միջազգային լավագույն փորձի ուսումնասիրության արդյունքները և ՀՀ հանրային կառավարման համակարգի արդի պահանջները:

### Ծրագրի տևողությունը

1.5 տարի

### Դասապրոցեսը

շաբաթական 3 անգամ

18.20-ից

### Ուսման վճարը (տարեկան)

700.000 ՀՀ դրամ

### Որակավորում

կառավարման մագիստրոս



## առաջին կիսամյակ

### Մոդուլ 1

- 1.Տնտեսագիտություն/Վերլուծական աշխատանք (Ը)
2. Մենեջմենթի հիմունքներ/Վերլուծական աշխատանք (Ը)

### Մոդուլ 2

1. Հետազոտության մեթոդներ
- 2.Էկոնոմետրիկա և տվյալների վերլուծություն

### Մոդուլ 3

1. Հանրային կառավարում
- 2.Քաղաքագիտություն/Վարչական իրավունք (Ը)

### Մոդուլ 4

1. Ֆինանսական կառավարումը հանրային ոլորտում
2. Գնումների գործընթացը հանրային ոլորտում/Բյուջետավորում և ֆոնդահայթայթում (Ը)

### Մոդուլ 5

- 1.Դասավանդման մեթոդներ
- 2.Հետազոտական սեմինար

## Երկրորդ կիսամյակ

### Մոդուլ 6

1. Ռազմավարական կառավարում հանրային ոլորտում
2. Նախագծերի կառավարումը հանրային ոլորտում

### Մոդուլ 7

1. Հանրային ծառայությունների համակարգ
2. Առողջապահության կառավարում/Կրթության կառավարում (Ը)

### Մոդուլ 8


1. Հանրային-մասնավոր գործընկերություն
2. Տեղական տնտեսության զարգացում/Պետական գույքի կառավարում (Ը)

### Մոդուլ 9

1. Հանրային քաղաքականության վերլուծություն և մշակում
2. Արտաքին տնտեսական քաղաքականություն/ Ազգային անվտանգության հիմնախնդիրներ (Ը)

### Մոդուլ 10

1. Հետազոտության փորձառություն/ Հաղորդակցման և առաջնորդման հմտություններ/ ՄՌԿ



## ԱՌԱՐԿԱՅԱՑԱՆԿ

## Երրորդ կիսամյակ

### Մոդուլ 11


1. Էլեկտրոնային կառավարում հանրային ոլորտում/ Մեդիագրագիտություն(Ը)
2. Հանրային մասնակցություն և վերահսկողություն/Քաղաքացիական հասարակության ինստիտուտներ (Ը)

### Մոդուլ 12

**Գիտահետազոտական փորձառություն  
(տևողությունը՝ 10 շաբաթ)**

### Մոդուլ 13

Մագիստրոսական թեզ





**Գագիկ Ասլանյան**

Կառավարման ամբիոնի վարիչ, տ.գ.թ., դոցենտ: Աշխատանքային գործունեությունը սկսել է 1977թ. – ից ՀՍՍՀ ԳԱ Տնտեսագիտության ինստիտուտում, 1990 – 1999թթ աշխատել է Երևանի «Պլաստիկ» արտադրական միավորումում որպես տնօրենի տեղակալ, 1999 թ. – 2003 թ. ընտրվել է ՀՀ Ազգային ժողովի պատգամավոր, ԱԺ նախագահի տեղակալ, 2004 թ. – 2006 թ. աշխատել է ՀՀ Տարածքային կառավարման նախարարությունում՝ նախարարի տեղակալ, 2006 – 2022 թթ.՝ ՀՊՏՀ կառավարման ամբիոնի դոցենտ, 2006թ. – ից մինչ օրս ԵՊՀ կառավարման և գործարարության ամբիոնի դոցենտ (համատեղությամբ):

**Խորեն Մխիթարյան**



Տնտեսագիտության թեկնածու, դոցենտ, 1990թ.-ից ՀՊՏՀ կառավարման ամբիոնի դոցենտ: Համահեղինակ է «Մենեջմենթ» (4 անգամ բարելավված և վերահրատարակված) դասագրքի, ավելի քան երեք տասնյակ գիտական հոդվածի հեղինակ է: Մասնակցել է բազմաթիվ վերապատրաստման դասընթացների: Դասավանդում է SWISS UMEF համալսարանում որպես հրավիրյալ պրոֆեսոր:

**Նելլի Շահնազարյան**

LinkedIn հարթակում անձնական էջի [հղումը](#)



տ.գ.թ., դոցենտ, ՀՊՏՀ կառավարման ամբիոնի դոցենտ, ունի ավելի քան 30 տարվա դասավանդման փորձ: 2010–2018թթ.՝ Հակաճգնաժամային և զբոսաշրջության կառավարման ամբիոնի վարիչ, 2002թ.-մինչ օրս՝ Հայ-Ռուսական (Սլավոնական) համալսարան, դոցենտ (համատեղությամբ), 2012–2018թթ.՝ ՀՀ պետական կառավարման ակադեմիա, դոցենտ (համատեղությամբ): Աշխատանքին զուգահեռ մասնակցել է բազմաթիվ վերապատրաստման դասընթացների: Համահեղինակ է 2 ուսումնական ձեռնարկի, «Մենեջմենթ» (4 անգամ բարելավված և վերահրատարակված) դասագրքի, ավելի քան 25 գիտական հոդվածների հեղինակ է, հանդիսանում է 10 տնտեսագիտական թեկնածուի գիտական ղեկավար:



## Արտաշես Բախշյան

LinkedIn հարթակում անձնական էջի [հղումը](#)



## ԴԱՍԱԽՈՍԱԿԱՆ ԿԱԶՄ

Աշխատանքային գործունեությունը սկսել է 1983 թվականին, պետական կառավարման և տեղական ինքնակառավարման տարբեր մարմիններում, զբաղեցրել է ղեկավար պաշտոններ՝ ՀՀ հարկային պետական տեսչությունում, ՀՀ մաքսային վարչությունում, Երևանի քաղաքապետարանում, ՀՀ նախագահի աշխատակազմում, ՀՀ տնտեսական մրցակցության պաշտպանության պետական հանձնաժողովում, ՀՀ վերահսկողական ծառայությունում, 2008-2016 թթ. աշխատել է ՀՀ տարածքային կառավարման նախարարի տեղակալ, 2017-2020թթ. ՀՀ ԱԺ աշխատակազմի ֆինանսատնտեսագիտական և հաշվապահական հաշվառման վարչության պետ, 2020 թ. -ից մինչ օրս ՀՀ Հաշվեքննիչ պալատում՝ որպես խորհրդական:

## Աշոտ Զալինյան



Տնտեսագիտության թեկնածու, դոցենտ է: Աշխատանքային գործունեությունը սկսել է 1985 թվականից, զբաղեցրել է ղեկավար պաշտոններ պետական կառավարման և տեղական ինքնակառավարման տարբեր մարմիններում՝ ՀՀ սննդի արդյունաբերության նախարարությունում, ՀՀ Էկոնոմիկայի նախարարությունում, Երևանի «Կենտրոն» վարչական տարածքի կառավարման մարմնում, ՀՀ կառավարությանն առընթերտեղեկատվության և գրահրատարակչության վարչությունում, եղել է ՀՀ պետական կառավարման համակարգի կառուցվածքային բարեփոխումների հարցերով խորհրդական Մեծ Բրիտանիայի DFID կազմակերպության և ՀՀ կառավարության կողմից իրականացվող ՀՀ պետական կառավարման բարեփոխումների ծրագրի շրջանակներում, ՀՀ արտաքին և ներքին վերահսկողության և աուդիտի համակարգերի բարեփոխումների հարցերով խորհրդական, Հոլանդիայի կառավարության «Development Partnerships UK Limited»-ի և «AMERIA» խորհրդատվական ընկերության հետ համատեղ իրականացվող ՀՀ պետական հատվածի արդիականացման ծրագրի շրջանակներում:

Զբաղեցրել է գլխավոր դատախազության ֆինանսատնտեսական վաչության պետի, ՀՀ քննչական կոմիտեի Դեպարտամենտի ղեկավարի, այնուհետև նախագահի խորհրդականի պաշտոններ: 2019 թ. «Էլ Էլ Քոնսալթինգ» իրավակառավարչական խորհրդատվական ընկերության հիմնադիրն է: Ունի ավելի քան երեսուն տարվա գիտամանկավարժական գործունեության փորձ ՀՀ տարբեր բուհերում:



## **Արամ Բախչազույան**

ՀՊՏՀ կառավարման ամբիոնի դասախոս, տնտեսագիտության թեկնածու: Ունի հանրային կառավարման համակարգում շուրջ 15 տարվա կառավարման փորձ: 2017 թ. մայիսի 5-ին նշանակվել է ՀՀ վերահսկիչ պալատի խորհրդի անդամ, օրենքի ուժով 2018թ. ապրիլի 9-ից ՀՀ հաշվեքննիչ պալատի անդամ է: 2011- 2014թթ.' ՀՀ ԳՆ սննդամթերքի անվտանգության պետական ծառայության պետ: 2007-2011թթ.' Կենտրոնական ընտրական հանձնաժողովի քարտուղար, 2005-2007թթ.' Կենտրոնական ընտրական հանձնաժողովի նախագահի տեղակալ, 2003 – 2005թթ.' ՀՀ վարչապետի օգնական: Եղել է Հայաստան – Եվրամիության Խորը եւ համապարփակ ազատ առևտրի համաձայնագրի բանակցությունների հայկական կողմի աշխատանքային խմբի անդամ, ինչպես նաև Եվրասիական տնտեսական միությանը անդամակցության հայկական կողմի աշխատանքային խմբի անդամ:

## **Նարեկ Մելքոնյան**

LinkedIn հարթակում անձնական էջի [\*\*հղումը\*\*](#)



«Պեռնո Ռիկար Արմենիա» ՓԲԸ տնօրեն, «Երևանի կոնյակի գործարան» ՓԲԸ տնօրենների խորհրդի անդամ: Աշխատանքային գործունեությունը սկսել է գործարար խորհրդատվության ոլորտում: 2002-2013թթ. աշխատել է Երևանի կոնյակի գործարանում նախորպես ավագ ֆինանսիստ, ապա՝ արտահանման մենեջեր և արտահանման բաժնի ղեկավար: 2013-19թթ. եղել է «Պեռնո Ռիկար Արմենիա» ՓԲԸ վաճառքների և մարքեթինգի տնօրենը, 2019թ-ից՝ տնօրեն: Մասնագիտական վերապատրաստման դասընթացներ է անցել Եվրոպայի և ԱՄՆ մի շարք առաջատար համալսարաններում: Ունի տնտեսագիտության թեկնածուի գիտական աստիճան, ավելի քան 20 տարվա դասավանդման փորձ:




### **Սարգիս Ասատրյանց**



Հայաստանի ազգային պոլիտեխնիկական համալսարանի միջազգայնացման և բարեփոխումների գծով պրոռեկտոր:  
 2014-2016 թթ. աշխատել է «Հայաստան» համահայկական հիմնադրամում որպես գլխավոր մենեջեր: 2006-2014 թթ. «Johnson & Johnson», «Sara Lee», «Lorvenn Paris» ընկերությունների պաշտոնական և բացառիկ ներկայացուցիչ հանիսացող «Պարտնյոր» ՍՊԸ-ում որպես բիզնեսի զարգացման մենեջեր: 2009թ-ից դասավանդում է ՀՊՏՀ-ում, ինչպես նաև մի շարք միջազգային կրկնակի և համատեղ դիպլոմներ շնորհող կրթական նախագծերում, ինչպիսիք են SWISS UMEF University Շվեյցարիա, London School of Commerce Միացյալ Թագավորություն: 2011թ-ից մասնակցել է որակավորման բարձրացման տարբեր միջոցառումների՝ դասընթացների, սեմինարների, գիտաժողովների, աշխատառնությունների, համաժողովների, կոնֆերանսների աշխարհի 40-ից ավել երկրներում:

### **Մարինե Առաքելյան**

LinkedIn հարթակում անձնական էջի [հղումը](#)



2009թ.-ից ՀՊՏՀ կառավարման ամբիոնի դասախոս, տնտեսագիտության թեկնածու: Դասախոսելուն զուգահեռ ավելի քան 8 տարի աշխատել է պետական կառավարման համակարգում, այնուհետև ղեկավարել է «Տնտեսական զարգացման նախաձեռնությունների կենտրոն» ՀԿ-ն, ներկայումս աշխատանքային գործունեությունը շարունակում է ULS ՓԲԸ-ում՝ որպես զարգացման գծով փոխտնօրեն: ԱՄՆ UGRAD փոխանակման ծրագրի շրջանավարտ է (2002-2003թթ.): Մագիստրոսական կրթությունը ստացել է Շվեդիայի Լունդի համալսարանում միջազգային տնտեսագիտություն մասնագիտացմամբ (2008-2009թթ.): Շուրջ տասնյակ գիտական հոդվածների հեղինակ է:

## ԳՈՐԾԸՆԿԵՐ- ԿԱԶՄԱԿԵՐՊՈՒԹՅՈՒՆՆԵՐ

---

ՀՀ կառավարություն  
ՀՀ ԱԺ


Մարզպետարաններ

ՀՀ նախարարություններ

Երևանի քաղաքապետարան  
Համայնքների աշխատակազմեր

## ԱՇԽԱՏԱՆՔԱՅԻՆ ՀՆԱՐԱՎՈՐՈՒԹՅՈՒՆՆԵՐ

---



Շրջանավարտները կարող են իրենց աշխատանքային գործունեությունը ծավալել պետական և տարածքային կառավարման մարմիններում, տեղական ինքնակառավարման մարմիններում, ինչպես նաև քաղաքացիական հասարակության տարբեր կառույցներում:



**շրջանավարտներ**



**Ողջուն  
Ես Միքայել Զալինյանն եմ**


Ներկայումս աշխատում եմ ՀՀ քաղաքացիական ավիացիայի կոմիտեում՝ որպես գլխավոր քարտուղար: Ուսումնառության ընթացքում ստացած գիտելիքները և հմտությունները մշապես օգտակար են եղել տարբեր բնագավառներում իմ աշխատանքային գործունեության ընթացքում՝ որոշումների կայացման ժամանակ, որի համար շնորհակալություն եմ հայտնում համալսարանի պրոֆեսորադասախոսական անձնակազմին:

**Ողջուն  
Ես Ռուբեն Սաֆարյանն եմ**



Աշխատում եմ ՀՀ կենտրոնական բանկի բանկերի պրուդենցիալ վերահսկողության ծառայությունում՝ որպես վերահսկող: Ավարտելով Ամերիկյան համալսարանի Գործարար վարչարարություն մասնագիտությամբ բակալավրը, ընդունվել և 2022թ.-ին ավարտել եմ ՀՊՏՀ-ն՝ ստանալով «Հանրային կառավարման» մագիստրոսի կոչում: Առավել քան վստահ եմ, որ այս կրթական ծրագրի մագիստրոսները կարող են բարելավել հանրային կառավարման ոլորտը: Մագիստրոսական այս ծրագիրն ինձ տվել է թե՛ տեսական և թե՛ գործնական գիտելիքներ ու հմտություններ: Հուսով եմ, որ մոտ ապագայում կկարողանամ օգտագործել և փոխանցել ձեռք բերած գիտելիքները հանրային կառավարման ոլորտում: Հաշվի առնելով մասնագիտացված պրոֆեսորադասախոսական կազմը, ծրագիրն ունի մեծ պոտենցիալ՝ ՀՀ-ում ստեղծելու անգնահատելի ավելացված արժեք պետական կառավարման ոլորտում:





**շրջանավարտներ**

## **Ողջուն ես թեհմինե Կարապետյանն եմ:**



Մագիստրատուրայում ուսումնառության տարիներին զուգահեռ աշխատանքի եմ ընդունվել ՀՀ կառավարությանը ենթակա ՀՀ քաղաքաշինության, տեխնիկական և հրդեհային անվտանգության տեսչական մարմնում՝ որպես ղեկավարի տեղակալի օգնական: Տնտեսագիտական համալսարանում հանրային կառավարման համակարգի վերաբերյալ ստացած պատկերացումներն ու գիտելիքները, իհարկե, խթան են հանդիսացել աշխատանքում հաջողությունների հասնելու և իմ առջև դրված աշխատանքային պարտականություններն ըստ արժանվույն կատարելու համար: Միաժամանակ իմ համուզմունքն եմ հայտնում առ այն, որ այն կարողություններն ու գիտելիքները, որոնք տվել է հարազատ բուհը, ծառայելու են ի շահ Հայաստանի Հանրապետության և նրա քաղաքացիների: Շնորհակալություն եմ հայտնում համալսարանի պրոֆեսորադասախոսական կազմին՝ ջանք ու եռանդ չխնայելու, իրենց գիտելիքները և փորձը փոխանցելու համար:

## **Ողջուն ես Արևիկ Բաղդասարյանն եմ**

Մասնագիտությամբ լրագրող եմ: Ավարտել եմ Հայաստանի Ֆիզիկական կուլտուրայի հայկական պետական ինստիտուտը՝ ստացել մարզական լրագրողի մասնագիտական որակավորում: 2011 թվականից առ այսօր Հայաստանի Ֆիզիկական կուլտուրայի և սպորտի պետական ինստիտուտի «Մարզական լրագրության» ամբիոնի դասախոս, ներկայումս նշված ամբիոնի վարիչ: 2020 թվականին առաջնորդվելով Ուոլթ Դիսնեյի խոսքերով. «Եթե կարող ես երազել այդ մասին, ուրեմն կարող ես և անել դա» ես ընդունվեցի Հայաստանի պետական տնտեսագիտական համալսարան՝ ընտրելով հանրային կառավարում մասնագիտությունը: ՀՊՏՀ-ն ինձ տվեց մեծ կամք և հաջողության համար պայքարելու մեծ ձգտում: Ստացած ակադեմիական գիտելիքների շնորհիվ էլ այսօր ինձ որպես մասնագետ ավելի մրցունակ եմ զգում:

